

Da l'Uorsin a l'Ursli: Il bestseller mundial rumantsch ha 70 onns

■ (cp) **L'Uorsin n'è betg mo in dals cudeschs d'uffants ils pli enconuschents da la Svizra, el è er vegnì translàt en las pli differentas linguas e tschientmillis uffants han gi plaschair dad el.** Tgi n'enconuscha betg il mat che surventscha tut ils obstachels e maina la finala cun la plumpa la lingia da Chalandamarz! Co è naschì il cudesch d'uffants rumantsch da la scriptura engiadinaisa Selina Chönz cun

las illustraziuns dal pictur sursilvan Alois Carigiet e co è el ì per il mund? Il curatur *Chasper Pult* respunda questas ed ulteriuras dumondas cun perditgas ch'èn strusch enconuschentas e declera las raschuns pertge che l'Uorsin è daventà il «tingalin da la Svizra». Nus vegnin er a savair inqual chaussa davart il Chalandamarz, davart la bratschadella, sch'igl ha dà in model per l'Uorsin e pertge che Carigiet ha insumma

picturà en Engiadina. Nus survegnin er invistas da las numerusas translaziuns e vegnin a savair ch'il cudesch era gia vegnì filmà pli baud e co che la realitad e la ficziun vegnan maschadadas.

Vernissascha gievgia, ils 17 da settember 2015 a las 18.00 en la Biblioteca chantunala, Karlihofplatz, Cuir.
Durada da l'exposiziun fin ils 30 da december 2015.



Co è naschì il cudesch d'uffants rumantsch da la scriptura engiadinaisa Selina Chönz cun las illustraziuns dal pictur sursilvan Alois Carigiet e co è el ì per il mund?